

元朝祕史註

上元李延齊

題簽

元朝祕史卷十三

在後羊兒年。

羊兒謂辛未當宋甯宗嘉定四年金衛紹王大安二年也耶律楚材湛然集有進庚午元歷序曰中元歲在庚午天啟宸衷決志南伐辛未之春天兵南度不五年而天下略定

成吉思征金國

金史衛紹王本紀曰衛紹王諱永濟世宗第七子章宗泰和八年遺詔立衛王卽位柩前大安三年四月大元太祖法天起運聖武皇帝來征元史本紀曰元年丙寅始議伐金初金殺宗親咸補海罕帝欲復讐會金降俘具言金主環暴虐帝乃定議然未敢輕動也五年春金謀來伐築烏沙堡帝命遮別襲殺其眾遂略地而東初帝貢歲幣於金金主懷衛王允濟受貢於靜州帝見允濟不爲禮允濟歸欲請兵攻之會金主環殂允濟嗣位有詔至國傳言當拜受帝問金使曰新君爲誰曰衛王

也帝遽南面唾曰我謂中原皇帝天上人做此等庸懦亦爲之耶卽乘馬北去六年辛未帝自將南伐

先取了撫州

金史地理志曰西京路撫州鎮甯軍節度使遼秦國大長主建爲州章宗明昌三年復置刺史爲桓州支郡治柔遠明昌四年置司候司永安二年升爲節鎮軍名鎮甯撥西北路招討司所管密齊顯必喇王敦必喇拿憐朮花速宋葛斜忒渾四明安以隸之領縣四柔遠集甯豐利威甯通鑑輯覽注曰撫州地在今蘇尼特乾隆府廳州縣志曰鑲黃等四旗牧廠在張家口北百里金置撫州治柔遠縣正黃等四旗牧廠在張家口西北二百里金撫州集甯縣地正黃旗察哈爾在張家口西北三百二十里金爲撫州威甯縣地外藩蘇尼特二旗在張家口北五百五十里本漢上谷及代郡北境後漢烏桓鮮卑居之唐爲突厥所據遼置撫州金屬西京路元爲興和路地明爲蒙古蘇尼特所據

經過野狐嶺

西游記曰度野狐嶺登高南望俯視太行諸山晴嵐可愛北顧但寒沙衰草中原之風自此隔絕矣元劉秉忠藏春集第二卷有過居庸關遇也乎嶺詩也乎卽野狐矣王惲玉堂嘉話采張德輝紀行記又作扼胡嶺明金幼孜北征錄曰永樂八年發萬全過城北見城西諸山積雪入德勝口山皆碎石若堆粟然入關兩峽石壁如削二十餘里上野狐嶺上指東南諸峯曰至此看山則盡在下矣明木增雲邁淡墨曰成祖北征至野狐嶺上有碑識曰嶺去天十八里其寒裂膚此地極北紫微北斗已向南觀元文類二十四忠憲王安同碑曰木華黎謚忠武太祖卽大位爲左萬戶從破金師二十萬於野狐嶺北師由紫荆口入讀史方輿紀要嶺在萬全縣北三十里

又取了宣德府

金史地理志曰西京路宣德州遼改晉州爲歸化州雄武軍大定七

年更爲宣化州八年復更爲宣德領縣二宣德宣平元史地理志曰順
甯府金爲宣德州元初爲宣甯府中統四年改宣德府據此則太祖取
宣德時尚未升爲府蓋明人譜譯時以中統後地名入之

使者別古亦古捏克二人做頭哨至居庸關

金史地理志曰大興府昌平縣有居庸關國名查刺台攀方輿紀要曰
居庸關在懷來縣錢良擇出塞紀略曰度居庸關山路崎嶇四十五里
出關入平地名全道二十五里榆木驛二十五里懷來衛

見守禦的堅固者別說可誘戰於是把軍馬佯回了金家見了果然盡出
軍馬追襲至宣德府山崗上者別卻翻回衝著將金國陸續來的軍馬殺
敗

本紀曰帝敗金將定薛於野狐嶺取大石灤豐利等縣秋七月命遮別
攻烏沙堡及烏月營拔之八月戰於宣平之會河川敗之九月拔德興
府居庸關守將遁去遮別遂入關抵中都

成吉思汗軍隨後到來將金國的契丹女眞等緊要軍馬都勝了。案元史兵志有契丹軍女直軍盡皆伐金國時先後來降者也。比至居庸殺了的人如爛木般堆著。

宋謝采伯密齋筆記曰余嘗觀黏罕剋河東幹離不引大兵自涿州入安瀟陷開封府至順河凡一百八十餘州八百七十五縣蹂躪殘滅何可勝紀而自貞祐元年十一月至二年正月韁靼殘破河東河北山西復一十七府九十餘州鎮縣二十餘處數千里閒殺戮皆盡城郭邱墟金帛子女羊馬畜皆席卷而去屋宇悉皆燒燬此殺戮大果報也。

着別將居庸關取了。

元史札八兒火者傳曰金人恃居庸之塞治鐵鋼關門布蒺藜百餘里守以精銳太祖進師距關百里不能前召札八兒問計對曰從此而北黑樹林中有閒道騎行可一人臣向嘗過之若勒兵銜枚終夕可至乃

令札八兒輕騎前導日暮入谷黎明諸軍已在平地疾趨南口金鼓之聲若自天下金人猶睡未知也比驚起已莫支梧鋒鏑所及流血被野關既破中都大震

成吉思入關至龍虎臺下了營

北征錄曰永樂八年二月十一日早發清河晚次沙河十二日早發沙河午次龍虎臺十三日早發龍虎臺度居庸關云云則龍虎臺卽在居庸關內也何喬遠名山藏曰順天府北一百二十里曰居庸關秦始皇築長城居庸徒於此淮南子九塞居庸關居一焉龍虎臺在居庸關內

遣軍馬攻取北平等郡

元史本紀曰皇子朮赤察合台窩闊台分徇雲內東勝武朔等州下之是冬駐蹕金之北境七年正月帝破昌桓撫等州金將紇石烈九斤率兵二十萬來援戰於獾兒嶺大敗之秋圍西京金元帥左都監奧屯裏

率師來援帝遣兵誘至密谷口逆擊之盡殲復攻西京帝中流矢遂散圍蒙韓備錄曰金虜聞韓人陷西京始大驚恐乃竭國中精銳以忽殺虎元帥統馬步五十萬迎擊之虜大敗又再刷山東河北等處及隨駕護衛等人馬三十萬令高琪爲大元帥再敗是以韓人迫於燕京城下是戰也罄金虜百年兵力銷折潰散殆盡其國遂衰後來凡圍河北山東燕北諸州等處虜皆不敢嬰其鋒

教者別攻取東昌不克

此元東昌路是時爲金之博州撰祕史者元人未暇攷其沿革故以元地名入之金史地理志山東西路博州宋博平郡領縣五聊城堂邑博平茌平高堂元史地理志曰東昌路唐博州宋隸河北東路金隸大名府領縣六聊城堂邑莘縣博平茌平邱縣

回了六宿卻翻回去每人牽從馬一匹晝夜兼行使金人不意中閒將東昌取了

本紀曰冬十二月遮別攻東昌不拔卽引去夜馳還襲克之
者別取了東昌回來與成吉思相合初北平被攻時金王京丞相對金主說

元史本紀太祖八年金西京留守忽沙虎弑其主允濟迎豐王珣立之是時丞相則高琪也金史衛紹王本紀曰大安三年九月平章政事千家奴和碩敗績於會河堡居庸關失守大元前軍至中都中都戒嚴是時德興府宏州昌平懷來續山豐潤密雲撫寧集寧東過平灤南至清滄由臨潢過遼河南至忻代皆歸大元至寧元年八月右副元帥呼沙呼昌兵入宮自稱監國都元帥逼上出故邸遂使宦者李思中害上於邸九月甲辰宣宗卽位宣宗本紀曰貞祐元年十一月將乞和大元詔百官議於尙書省十二月平章政事圖克坦公弼進尙書右丞相尙書右丞承暉進都元帥兼平章政事左副元帥珠格高琪進平章政事二

年二月遣承暉詣大元請和。

天地氣運大位子交代的時節敢到了。達達每好強盛將咱勇猛的軍馬殺絕可倚仗的居庸關取了。若再與他廝殺不勝呵。只恐軍馬就潰散了。本紀曰八年秋七月克宣德府遂攻德興府皇子拖雷駙馬赤駒先登拔之帝進至懷來及金行省完顏綱元帥高琪戰敗之追至古北口。金兵保居庸詔可忒薄利守之遂趨涿鹿。金西京留守忽沙虎遁去。帝出紫荆關敗金師於五回嶺。拔涿易二州。契丹訛魯不兒等獻古北口。遮別遂取居庸與可忒薄利會。是秋分兵三道命皇子朮赤察合台窩闊台爲右軍循太行而南取保遂安肅安定邢洺磁相衛輝懷孟掠澤潞遼沁平陽太原吉隰拔汾石嵐忻代武等州而還。皇弟哈撒兒及斡陳那顏拙赤解薄利爲左軍遵海而東取薊州平灤遼西諸郡而還。帝與皇子拖雷爲中軍取雄霸莫安河間滄景獻深祁蠡冀恩濮開滑博濟泰安濟南濱棣益都淄濰登萊沂等郡復命木華黎攻密州屠之。史天

倪蕭勃送來降帝至中都三道兵還合屯大口是歲河北郡縣盡拔惟
中都通順真定清沃大名東平德邳海州十一城不下九年甲戌春三
月駐蹕中都北郊諸將請乘勝破燕帝不從乃遣使諭金主曰汝山東
河北郡縣悉爲我有汝所存惟燕京耳天旣弱汝我復迫汝於險天其
謂我何我今還軍汝不能犒師以弭我諸將之怒耶

莫若且歸附了達達皇帝教他退軍若退了軍時咱那時再做商量也者
又聽得說達達軍馬不宜水土見生瘟病如今達達皇帝跟前與他女子
金銀段匹試看從也不從金主說王京說王京者行省二字之譯文也得是遂歸附了
成吉思將公主及金銀段匹等物教王京送與了成吉思

金史宣宗紀曰貞祐二年三月庚寅奉衛紹王公主歸於大元太祖皇
帝是爲公主皇后本紀曰金主遂遣使求和奉衛紹王女岐國公主及
金帛童男女五百馬三千以獻仍遣其丞相完顏福興送帝出居庸
遂將攻城軍馬退了王京親送至莫州撫州山齋行辭回了

金史地理志曰河北東路莫州宋文安郡軍治任邱貞祐二年五月降爲鄭亭領縣一任邱元史地理志曰保定路本清苑縣唐隸鄚州金改順天軍又曰河間潞州六莫州唐置鄚州尋改爲莫領縣一莫亭任邱軍人將金銀等物用熟絹拴定儘力馱去了

成吉思自那裏征合申種

唐河西節度使地外藩相沿稱曰河西音轉爲合申耳今西套厄魯特游牧之所注見五卷七卷本紀曰歲乙丑帝征西夏拔力吉里寨經落思城大掠人民及其橐駝而還二年丁卯再征西夏克斡羅孩城四年己巳帝入河西夏主李安全遣其世子率師來戰敗之獲其副元帥高令公克兀刺海城俘其太傅西壁氏進至克東門復敗夏師獲其將嵬名令公溝中興府引河水灌之隄決水外潰遂撤圍還遣太傅訛答入中興招諭夏主納女請和

其主不兒罕降

不兒罕卽夏主李安全之蕃名也注詳前文五卷

將女子名察合的獻與成吉思

元史后妃表太祖察兒皇后守第三鄂爾多

說俺聽得皇帝的聲名曾怕有來如今俺與你做右手出氣力俺本是城
郭內住的百姓若有緊急征進卒急不能到蒙恩賜時將俺地面所產駝
駝毛段子鷹鶴常進貢皇帝說罷遂將本國駝隻科斂直至趕逐不動送
將來了

元史謝仲溫傳曰父睦歡以貨雄鄉曲聞大兵南下轉客烏拉城太祖
攻西夏過其城睦歡與其帥迎降

成吉思那一次征進金主歸附了多得了段匹合申主歸附了多得了駝
駝回至撒阿里客額兒地面下營了

案撒阿里客額兒地在故乃蠻之東杭愛山之麓前文八卷所謂者別
二人至撒阿里客額兒遇乃蠻在康合兒合山頭哨望故知其地在康

合山麓康合卽杭愛也下文尙征金國太祖安得遽回杭
愛此必將征西域諸國方在此地駐蹕爾否則卽回蹕行宮亦必不到
撒阿里客額兒也本紀征金出居庸關後避暑魚兒灘則庶近情事以
此時尙未回鑾漠北耳

在後成吉思差使臣主卜罕等通好于宋被金家阻當了以此成吉思猶兒
年再征金國

狗兒年者太祖九年甲戌當宋甯宗嘉定七年金宣宗貞祐二年也

成吉思要自取潼關

本紀太祖末年謂左右曰金精兵在潼關南據連山北限大河難以遽破
若假道於宋宋金世讐必能許我則下兵唐鄆直擣大梁金急必徵兵潼
關然以數萬之眾千里赴援人馬疲敝雖至弗能戰破之必矣太祖之論
如此故此次通好于宋本思假道其自取潼關亦以精兵之所在故也
命者別攻居庸關金主聞知命亦列等三人領兵守關

亦列與移刺二字對音耶律楚材湛然集從容庵錄序自稱曰移刺楚材
金劉祁歸潛志凡姓耶律皆書作移刺此亦列卽移刺乃遼姓也其時金
國有讎軍契丹軍均遼人故以遼將統之此遼將姓耶律也

以忽刺安迭格列軍人做頭鋒把佳闢所謂女真軍也成吉思至闢見金兵大至與
他對敵金兵稍退拖雷古出一人橫衝其陣金忽刺安迭格列軍並亦列等
軍大敗殺八滿野金主聞知遷都汴梁

本紀曰九年甲戌夏五月金主遷汴以完顏福興及參政抹撲盡忠輔其
太子守忠留守中都六月金讎軍斫答等殺其主帥來降詔三摸合石抹
明安與斫答等圍中都秋七月金太子守忠走汴十年乙亥春正月金右
副元帥蒲察七斤以通州降二月木華黎攻北京金元帥烏古倫寅答虎
以城降以寅答虎爲留守吾也而權兵馬元帥鎮之興中府元帥石天應
來降三月金御史中丞李英等率師援中都戰於霸州敗之夏四月克清
順二州五月庚申金中都留守完顏福興仰藥死抹撲盡忠棄城走明安

人守之遣乙職里諭金主以河北山東未下諸城來獻及去帝號爲河南王不從是秋取城邑八百六十有三石抹也先傳曰也先爲金人奚部長聞太祖起兵朔方匹馬來歸言東京金根本可傳檄定也太祖命從木華黎爲先鋒也先謀知金人新易東京留守將至邀而殺之懷其誥命謂守門者曰我新留守也入據府中下令易置將佐部伍三日木華黎至得地數千里兵十萬降守臣寅答虎等四十七人金人喪其根本之地始議遷河南

其餘金兵困餓人皆相食成吉思歸以拖雷古出一人有功都賞賜了成吉思至北平失刺客額地面時

此所稱北平卽今京師也在元爲大都路在金爲中都路其稱北平者蓋明初譯祕史時削元人之舊稱用興朝之新號故曰北平也祕史凡言客額兒者大率建庭之所金人建都大興府貞元中定都時稱曰中都故蒙古語曰客額兒也失刺蓋皇城之義宮殿黃屋遺史語解曰寶喇黃色

曉得海日
委治甲子

城中走回
入云間廣

中都撫貢
裏黃義者

京城也云
漢即吳制

云從之黃
城爲黃義

解也足見
客頭兒之

城百守過

矣

也是其義矣金史地理志曰中都路海陵貞元元年定都以燕乃列國之名不當爲京師號遂改爲中都府一領節鎮三刺郡九縣四十九鎮七大興府天會七年析河北爲東西路時屬東路貞元元年更今名明人北平錄曰洪武元年秋七月征虜大將軍徐達副將軍常遇春會諸將於臨清率馬步舟師進至通州元主聞報大懼集三宮后妃太子北行出奔上都達等至齊化門外一鼓而克全城八月破上都元主遂遁去沙漠駐應昌府冬十月捷至詔改大都爲北平府明何喬遠名山藏曰順天府洪武初爲北平府永樂初改爲順天府又案虞集句容郡王世績碑曰海都之叛皇子北平王帥諸王之師鎮祖宗興龍之故地敗之斡歡河還諸部之眾於北平則北平之名或始於元也

者別已得了居庸關引兵來會初金主遷都時命其臣合答留守燕京本紀曰太宗三年克鈞州獲金將合達然皆非留守之職且非太祖攻燕時事金史衛紹王紀曰大安三年四月遣西北路招討使鈕鈕祿合打乞